

Dieses Werk wurde Ihnen durch die Universitätsbibliothek Rostock zum Download bereitgestellt.

Für Fragen und Hinweise wenden Sie sich bitte an: digibib.ub@uni-rostock.de

---

Heinrich Rahn Joachim Petersen

## **Disputatio Iuridica De Sponzionibus**

Rostochi[i]: Kilius, 1647

**<http://purl.uni-rostock.de/rosdok/ppn766448665>**

Druck Freier  Zugang





Ja - 1143 1-58.  
= =  
<16.76>



42. f. 2



*f. N. D. N. f. C.*  
**DISPUTATIO JURIDICA  
 DE  
 SPONSIONIBUS,**

*Quam,*

Approbante nobilissimo JCtorum in  
 illustri Rosarum Academia ordine,

*PRAESIDE*

*Viro Amplissimo, & Consultissimo,*

**DN. HENRICO Rahnem/ J.U.D.**  
 ac Professore Publico, & Facultatis  
 Juridicæ p. t. DECANO Spectabili, Dn. Præce-  
 ptore & Patrono suo omni observantiæ & honoris  
 cultu æternum prosequendo.

**PRO SUMMIS IN UTROQUE JURE PRIVILE-**  
*GIIS ET HONORIBUS DOCTORALIBUS*  
*CONSEQUENDIS*

*Publicè examinandam proponit*

**JOACHIMUS PETERSEN,**  
 Lubecensis,

*In Auditorio Majori*

Add diem 23. Martii horis ante- & pomeridianis;

*os (\*\*\*) os*

**ROSTOCHI,**


*TypNICOLAI KILII, Acad. Typogr. Anno 1647.*

DOMINI IESU CHRISTI  
APOSTOLI PETRUS DOMINUS RECTORIS  
MAGNIFICIS, AMPLISSIMIS, CONSUL  
TISSIMIS ET PRUDENTISSIMIS

VIRIS  
**DNN. CONSVLIBVS ET**  
SENATORIBVS INCLYTÆ  
REPUBLICÆ LUBECENSIS

PATRIÆ PATRIBUS LAUDA.  
TISSIMIS  
**DNN. PATRONIS ET MECÆNATIBUS**  
MEIS SUMME VENERANDIS  
DEBITÆ OBSERVANTIÆ TESTANDE  
ERGO  
DISPUTATIONEM HANC INAUGURALEM  
LUBENS MERITOQUE OFFERO

**JOACHIMUS PETERSEN.**





## Proœmium.

**T**ractatus de Sponsionibus  
quām quotidianus frequensque  
sit, nemo est profecto, qui nesci-  
at. Verum pauci sunt, qui vim  
ac potestatem verbi noverint,  
quive ex nostratisbus scripserint,  
inquit celeberrimus Jctus Benvenutus Stracchæ  
in tractatu suo de Sponsionib⁹ statim initio Quæ  
verba cum non ita pridem legerem, de materia,  
quam disputationi destinarem, sollicitus, hæc de  
Sponsionibus mihi præ ceteris digna visa fuit, in  
qua evolvenda operam & industriam meam  
collocarem. Sed ne longiore antelogio quem-  
piam detineam, jam è carceribus in ipsum prosi-  
lio circum: quem ut rite decurrere valeam, adsit  
propitius is, sine cuius ope atq; auxilio nihil pro-  
videnter mortales auspicantur.

### THEISIS I.

**S**PONSIUS à sponte, quod sponte sit vel dicitur, appellata,  
Goedd. ad l. 7. de V. S. n. 16. quāvis generale nomen sit, & ad omnē pro-  
missionem, quomodo cunq; factam, referatur, l. 7. de V. S. l. 19. §. 2. D.  
de addit. ed. 2. l. 6. §. 12. D. de part. l. 1. D. de LL. Goedd. add. l. n. 15. seqq.  
Hilleg. ad Donell. 14. comment. 36. C: hic tamen illam accipio pro ea

promotionis specie, quæ certaminis alicujus gratiâ sit, & Germanis in vernacula lingua Wetten / Wetzung nuncupatur.

II.

In hac significatione Sponsio rectè videtur definiri, quod sit convention, quâ inter duos, de veritate vel eventu alicujus rei inter se contentes, per promotionem quandam reciprocam id agitur, ut victus aliquid perdat seu solvat, vîctor vero lucretur seu accipiat. v. Perez. in prælect. ad tit. C. de aleator. n. 8. Thesaur. 2. quæst. foren. 19. n. 2.

III.

Causa efficiens Sponsionis remota, eaq; principalis est jus, & quidem gentium, arg. §. 2. Inst. de jur. nat. gent. & civ. l. 5. D. de J. & f. minus principalis & impulsiva autem æquitas naturalis, cui conveniens est voluntatem domini, rem suam in alium transferre volentis, ratam haberi, §. per traditionem, Inst. de rer. divis. atq; ea, quæ inter homines placuerunt, servari, l. 1. pr. D. de paſt. quod fidem fallere grave sit, l. 1. pr. D. de confit. pecun. Unde etiam id, quod ex causa sponsionis alicui obvenit, iure naturali licet adquiri existimo, per ea, quæ tradit Domin. Sot. de Just. & Jur. lib. 4. quæst. 5. art. 2. Covarr. ad c. peccatum, §. 4. n. 2.

IV.

Sed & jure nostro civili sponsiones admitti, satis potest probari, cum ex aliis multis locis, tûm præcipue ex l. 3. D. de aleator. l. 17. § fin. D. de præscr. verb. Perez. & Covarr. d. 1. Schneidev. ad §. sub conditio- ne, Inst. de V. O. n. 15. Coras. miscell. jur. lib. 7. c. 7. Clar. lib. 5. sentent. §. ludus n. 5. Gomez. 2. variar. resolut. II. n. 4. Soar. in thesaur. recept. sentent. sub lit. S. n. 164. ubi, quin sponsiones valeant, nullum jus impedire, sit, Zas. ad l. 108 de V. O. n. 6, & ad l. 37. de reb. cred. n. 5. & Dd. com- muniter teste Decio consil. II. n. 4.

V.

Statutis quoq; nonnullorum locorum sponsiones expressè invenimus approbatas. Ita enim habet jus provinc. Pruten. lib. 4. tit. 16. art. 6. Wann gefrage/ob Wetten kräfftig seye / da seken vnd ordnen wir/ dass diejenigen/welche mit einander bedächlich wetten / daran verobligiret vnd verbunden seyn. Und sol dieselb ihren Bestandt haben/ &c. Idem N. R. cautum esse, ex loco infra allegando apparebit.

VI.

Jure Saxonico, quo etiam in quibusdam Saxonie inferioris locis multum utimur, licet nonnulli putent, omnes sponsiones indifferenter prohibi-

prohibitas esse, attestante *Heig. part. 2. quæst. 10. n. 53.* pleriq; tamen inter jus civile & Saxonum haç in parte differentiam aliquam non agnoscunt, v. *Schneidev. & Heig. d. l. Schultz. in synops. Inst. ad tit. de V. O. lit. B.* & secundum dispositionem juris civilis Scabinos Lipsienses & Wittenbergenses jus Saxon. interpretatos, tradit idem *Heig. d. l. n. 56.* quemadmodum etiam in Dicasterio Jenensi secundum sponsiones pronunciatum, quod scil. validæ sint & efficaces, & quod reus conventus & victus ad solutionem promissæ summae teneatur, se meminisse, ait *Webner. in observ. pract. in verb. Wetten/Wettungen. vid. præterea consult. Saxon. lib. 1. quæst. 141.*

## VII.

Causa efficiens Sponsionis propinquæ sunt personæ sponzionem contrahentes: quarum conditio talis esse debet, ut ex conventione (1.) alios sibi civiliter obligare, (2.) ipsæ aliis ita obligari, & (3.) inter se etiam civili obligatione obstringi possint: alias futurum, ut sponsio vel ab utroq; vel certè ab uno latere vacilleret.

## IIX.

Hinc sponsiones non rectè ineunt furiosi, mente capti, infantes: quippe intellectu ac consensu, in omni conventione necessario, per l. 1. §. 3. D. de pæt. l. 55. D. de O. & A. destituti, nec alios sibi obligare, etiam interveniente tutorum auctoritate curatorumve consensu, multòq; minus ipsi aliis obligari possunt, §. 8. & 9. *Instit. de iuutil. stipul. l. 1. §. 12. seq. D. de O. & A. l. 5. D. de R. J.* Idem dicendum de iis, qui usq; ad alienationem mentis vino se ingurgitarunt, arg. c. sanè, 15. quæst. 1. c. venter distinxit. 35.

## IX.

Non etiam propter ademptam bonorum administrationem, sponsiones rectè celebrant infantiam jam egressi, sed adhuc impuberes; prodigi, quibus bonis interdictum est; minores, curatorem habentes: ad hoc scilicet, ut aliis ex sponsione obligentur, per l. 43. D. de O. & A. l. 40. D. de R. J. l. 3. C. de in integr. restit min accedente licet tutore vel curatore, arg. l. 46. in fin. D. de admin. & peric. tut. l. 9. § 1. D. de auctor. & consens. tut. l. 1. § 2. D. detut. & ration. distrahab. l. ult. C. si maj. fact. alienat. rat. hab. nam alios sibi etiam sine his firmiter obstringunt, pr. J. de auctor. tut. § 9. *Instit. de iuutil. stipul. l. 13. §. 29. D. de auct. empt. vend. l. 6. D. de V. O.*

A 3

IX. Non

## X.

Non deniq; sponsionibus inter se jure contendunt pater & filius: fam. per §. 6. f. de inutil. stipul. §. 12. f. de oblig. qua ex delict. l. 4. D. de Iudic. l. 2. D. de contrah. empt. l. 7. D. de O. & A. nisi hic peculium habeat castrense, vel quasi castrense, vel adventitiū, quod pleno jure ad ipsum pertineat, arg. d. l. 4. & ibi Gloss. Bart. & Paul. D. de judic. d. l. 2. D. de contrah. empt. l. 6. in fin. pr. l. 7. C. de bon. que lib. in potest. Nov. 117. c l. 5. 1. Job. Fab. & Bachov. ad § item inutilis, Inst. de inutil. stipul. Gomez. 2. variar. resol. 1. n. 2. Idem statuendum de fratribus, in ejusdem potestate existentibus, v. Goedd. de contrah. stipul. c 7. n. 85. seqq. Donell. 12. comment. 23.

## XI.

Circa materiam sponsionis considerandæ sunt cùm causæ, quæ sponsiones jure recipiunt vel non recipiunt, seu super quibus sponsiones rectè fiunt vel non fiunt; tum res, quæ in sponsionem deducuntur, seu hinc inde à contrahentibus promittuntur.

## XII.

Quod ad prius membrum attinet, duabus videtur res comprehendi posse regulis: quarum una est, quod sponsiones lieitè interponantur non solum super ludis jure concessis, veluti certaminibus, pro virtute seu virtutis exercendæ gratiâ susceptis, ut in l. 3. D. de aleator. sed generaliter super omnibus causis, quæ per se sunt honestæ (h. e. uti Dd. explicant, legibus ac bonis moribus non contrariæ, nec, si sponsio super ipsis facta fuerit, occasionem delinquendi præbituræ) per l. 17. §. ult. D. de præscr. verb. Chilian. König d. l. & §. seq. Heig. d. l. n. 54. Stracc. de Sponzion. part. 3. n. 5. Petrus Santerr. de assuritat. part. 2. n. 19. 21. & 25.

## XIII.

Ampliatur hæc regula, quod procedat, sive causæ istiusmodi à facto personæ, & aut unius ex contrahentibus, aut alterius cuiusvis, certæ vel incertæ, sive planè à fortuna dependeant, per l. 10. l. 57. l. 63. l. 99. §. 1. l. 108. l. 126. pr. l. 129. D. de V. O. l. 12. D. de act. empt. vend. Petr. Santer. d. l. n. 1. & 29. Covarr. ad c. peccatum §. 4. n. 2. Immò licet nullum quoq; commodum aut emolumentum spondentibus allaturaæ sint, Gomez. 2. variar. resol. 11. n. 4. Stracca d. tract. part. 2. n. 4. Zaf. ad l. 37. de reb. credit. n. 5. neglectio præterea discriminé, utrum in futurum, an prælens vel præteritum tempus conferantur, arg. §. 6. f. de V. O. l. 37. D.

27. D. derib. credit. l. 39. D. de jurejur. Stracc. d. l. Santer. d. l. n. 25. in  
In. Matth. de Afflict. decis. 389. n. 3.

## XIV.

Hinc valere sponsonem cum Dd. concludo, quod pars nummorum numerus in mea manu sit, vel impat: quod Titius Capitolium adscendet, vel non adscendet: quod aliquis a me io petet, vel non petet: quod crastino die pluet, vel non pluet: quod navis tali die domum redibit, vel non redibit: quod Imp. in Italiam hoc anno veniet, vel non veniet: quod Titius Senator aut Consul, Ferdinandus Imp. Julius Pontifex crebitur, vel non crebitur: quod Rex Hungariæ hoc mense coronabitur vel non coronabitur: quod instrumentum aliquod ostendetur, vel non ostendetur: quod Titij uxor masculum pariet, aut non pariet. vid. Petr. Santer. d. l. n. 2. 16. 17. 18. 19. & 20. Stracc. d. tract. part. 4. § expradi. &c. §. babes, & §. ex omnibus, Chilian. König d. c. 57. §. Und die Wette ren, & §. seq. Zaf. add. l. 37. derib. cred. n. 5. Gomez. d. l. Coras. 7. Miscel. Jur. 7. n. 1. Matth. de Afflict. d. decis. n. 1. & 4. in fin.

## XV.

Item valet sponsio, quod Rex aliquis hoc anno regno suo excidet, vel non excidet; urbs quædam brevi expugnabitur, vel non expugnabitur, &c. Stracc. d. l. §. similis, Dec. d. consil. us. quod navis salva in portu appetetur, vel non appetetur, vid. Coras. d. l. Stracc. d. l. § item quaris. Matth. de Afflict. d. decis. n. 4. quod inter Titium & Bertam matrimonium contrahetur, vel non contrahetur; dummodo ejusmodi sponsonem ineuntes Titio & Bertha extranei sint, ut videri nequeant matrimonium, quod Titius & Bertha alias contracturi erant, propter lucrum remoraturi, aut etiam libertatem ejus cogendo vel nimium persuadendo impedituri, arg. l. 134. D. de V. O. l. 5. §. fin. C. de Sponsal. c. gemma, entr. eod. Coras. d. l. Matth. de Afflict. d. l. Dec. d. consil. us. n. 2. Stracc. d. part. 4. pr. n. 4. & 5. San. terr. d. l. n. 4. Zaf. ad l. 108. de V. O. n. 6. 7.

## XVI.

Valent, inquam, hæ sponsiones, &c, quæ sunt ejus generis, aliæ. Neq; enim in illis quicquam regulariter videtur subesse, quod honestati aut juri vel directè vel saltem indirectè repugnet: quamquam id in quibusdam earum interdum accidere posse non negem. Et hoc casu quin aliud quoq; statuendum sit, vix est quod dubitetur, quippe quod cessante catione cessare quoq; debeat dispositio, arg. l. 32. D. de pat. l. 6. §. 2. D.

*de jur. patron.* Unde videmus, sponsiones super successu patriæ, victoria, aut urbis alicujus obsessæ deditio, rebus alioquin honestis, statutis locorum non ubiq; probari, quod inde etiam occasio nonnunquam dari possit, arcana hostibus prodendi, ob quæ sperata victoria è manibus elabatur, uti tradit Perez. cit. supr. loc. ex Zypao in notis jur. Belgic.

XVII.

Quin & super morte alicujus non solum in præteritum, aut praesens, quod quidem minus creditur habere dubitationis, vid. Santer. d. l. n. 27. in fin. junct. n. 7. & seq. sed etiam in futurum tempus collatâ, sponsionem rectè fieri, Dd. autumant. v. Coras d. l. Baptis. in annot. ad Clar. d. §. ludus, n. 10. Dec. d. cons. 115. n. 2. Stracc. d. l. n. 1. Matth. de Afflict. d. decis. n. 3. Quorum opinio quamvis non improbabilis sit, si aut is, super cujus morte sponsio interponitur, voluntatem suam accommodet, arg. l. fin. C. de past. l. s. ibi, si non convoluero. D. de naut. fœn. Stracc. d. l. n. 8. Santerr. d. l. n. 28. in fin. aut, eo hoc non faciente, periculum tamen insidiarum absit, quod videtur velle Stracc. d. l. n. 7. rectius tamen quem facturum arbitror, si ejusmodi sponsione abstinererit, cum etiam JCtus Paulus de ista requisitus noluerit consulere, turpitudinem quandam eā contineri ratus, uti testatur Stracc. d. l. n. 2. & istud maximè, si agatur de morte illius hominis, pro cuius vita ipsum vota quoq; facere convenit. Nam si apponatur mors ejus, qui religioni aut patriæ inimicus est, sponsio sine dubio valebit, etiam si neutra illarum conditionum, quarum modò mentio facta est, accedat. v. Santer. d. l. n. 14. seq.

XIX.

Altera regula esto, quod sponsiones illicitè fiant non solum super ludis jure prohibitis, sive ipsi ludentes, sive etiam ludi spectatores ad sponsionem veniant, per l. 3. D. de aleator. fac. auctb. interdicimus. C. de Episc. & cleric. Stracc. d. part. 4. §. queritur, & § seq. Santerr. d. l. n. 30. seq. Schultz. in synops. Inst. ad tit. de V. O. l. 17. B. sed generaliter super omni causa in honesta, turpi seu injusta, d. l. 17. § fin. D. de præscrip. verb. arg. l. 26. D. de V. O. §. quod turpi, Inst. & l. 4. C de inutil. stipul. Stracc. d. tract. part. 3. n. 2. Santerr. d. l. n. 5. 7. seqq. Zaf. ad l. 108. de V. O. n. 8.

XIX.

Ampliatur hæc quoq; regula, quod procedat, sive (1) turpe quid conci-

concipiatur in persona unius ex contrahentibus, & vel de futuro, vel etiam de præterito, arg. l. 123. D. de V. O. sive in persona alterius, arg. l. 137. §. 6. D. d. t. dummodò tamen de futuro, *Gloss. ad d. l. 123. de V. O. Salicet. ad l. 4. C. de inutil. stipul. v. Santer. d. l. n. 25. seqq.* (2) sive alter hic certus, & aut cognatione seu familiaritate spondentibus junctus, aut extraneus; sive omnino incertus sit: cum hic non attendatur persona turpiter faciens, sed turpis caussa, occasionem delicti omnibus istis casibus facile datura, *Zaf. ad l. 26. de V. O. n. 22. Santer. d. l. n. 10. seqq.*

## XX.

Non igitur valet sponsio, sub hac conditione ab aliquo v. gr. cum Lucio inita, ut sibi io solvantur, si Lucius illicitum homicidium, vel adulterium, vel stuprum non committet; & contrà, si contingat, ipse totidem Lucio solvat, *Santer. d. l. n. 8. & 2 seqq.* aut, ut viginti Lucio pendat, si hic homicidium injustum jam perpetraverit, vel adulteratus sit, vel stuprum fecerit; & ipse è contrario, si factum non sit, 20 ab illo accipiat, arg. d. l. 123. de V. O. item, ut Lucius sibi 10 det, si Sempronius Titium (quem tamen interficere fas non est) occidet, aut cum uxore Titij rem habebit: vel, si Titius occidetur, aut cum Titii uxore adulterium committetur, *Santer. d. l. n. 11. seqq.*

## XXI.

Inutilis quoq; est sponsio, quod alter alterum edendo aut bibendo superabit, *Santer. d. l. n. 16. Stracc. d. tr. part. 4. §. item quaro:* quod alter alterum prodigalitate vincet, qualis sponsio fuit illa, quæ inter Antonium & Cleopatram, Ægypti Reginam, facta fuit, relata à Plin. lib. 9. natu. hist. cap. 35. & ex eo à Coras d. cap. 7. n. 4. *Stracc. d. trac. part. 1. n. 2. Goedd. ad l. 7. de V. S. n. 13. item,* quod alter altero magis strenuè mentietur: quod alter altero sèpius cum uxore congregietur: & si quæ sit alia ejusdem farinæ.

## XXII.

Quandoq; tamen se res aliter habet, & licita est sponsio super caussa turpi, ut ut hæc in persona unius ex contrahentibus de præterito aut futuro, vel in persona tertii de futuro concepta sit: si scilicet illa tendat non ad lèdendos, sed conservandos bonos mores; si ad malum non invitet, sed vel jam factum puniat, vel fortassis secuturum avertat: veluti si cum aliquo, quem delictum patrâsse suspicaris, sponsione certes,

B

quod

quod delictum istud commiserit, & si fecerit, tibi centum solvat; aut si aliquod tibi carum caput, sed v. gr. scortationi seu lusui deditum, in re-  
ctam viam libenter reducturus, & à vitiis istis abducturus, vel cum ipso,  
vel cum alio, qui operam ipsum corrigendi offert, sponsonem contra-  
has, quod lusui seu scortationi indulgere perget; & data simul certa pe-  
cuniā, paciscaris, ut, si ita non sequetur, ea retineatur; sin sequetur, & illa  
tibi reddatur, & præterea alterum tantum, vel etiam major quantitas.  
Licita est, inquam, ejusmodi sponsio, arg. l. 121. §. 1. D. de V. O. l. 50. D. de  
pact. l. 70. §. ult. ibi nam pēnas, Gc. D. de fidejuss v. Stracc. d. tract. part.  
4. §. hic etiam. Zaf. ad l. 26. de V. O. n. 20. in fn. & n. 21. Francisc.  
Pfeil consil. 36.

### XXIII.

Rerum, quæ in sponsonem deducuntur, seu hinc inde à spondenti-  
bus promittuntur, spectanda iterum vénit & qualitas & quantitas.

### XXIV.

Qualitas est, quod in sponsonem venire possit non solum res, in  
specie sic dictæ, sed etiam facta, arg. s. fin. Inst. de V. O. ut tamen illæ  
sint (1) in rerum natura vel actu vel potentia, arg. §. 1. Inst. de inutil. sti-  
pul. junct. l. 73. D. de V. O. (2) commercio vel omnium hominum, vel  
salem ejus, cui promittuntur, non exemptæ, arg. §. 2. Inst. d. t. l. 1. §. 9.  
in fin. D. de O. G. A. l. 34. l. 83. §. 5. D. de V. O. nec (3) jam pleno jure  
ejus, cui promittuntur, arg. d. §. 2. Inst. d. t. causâ sponsonis scilicet  
in præteritum, aut præsens tempus collatâ: nam si ea de futuro concepia-  
tur, non statim vitiarur sponsio propter promissionem rei, ipsius domino  
factam, sed in suspenso est, arg. l. 61. D. de contrah. empt. l. 31. D. de V. O.  
hæc verè non impossibilia vel naturâ, vel jure, l. 31. l. 185. de R. l. l. 5. G.  
de LL. l. 6. C. de pact. l. 15. D. de condit. instit.

### XXV.

Quantitas nec civili, nec Saxonico jure certis limitibus est circum-  
scripta. Et quanquam Chilian. König d. cap. 57. §. Und die Wett(en)spon-  
siones ultra aureum Ungaricum (qui hodie veteri solidō ex generali  
passimq; recepta consuetudine sufficiens existimatur, v. Mynsing, ad §.

alie

alie autem, *Inst de donat.* n. 8. *Consult. Saxon. d. lib. I. quæst. 141.*) fieri non posse doceat: ab ejus tamen partibus qui stet, hactenus reperi neminem Quin & centum, ducenta, mille ex causa sponsonis validè promitti, ex Dd. mihi recte colligere videor. v. *Zaf. ad l. 108 de V. O. n. 6. Dec. d. cons. 115. Strac. d. tract. part. 2. n. 4. Baptist. in annot. ad Clav. eit. supr. loc.* Quo accedit, quod nec wittenbergenses, nec Lipsienses d. cap. 57. Röniges quoad sponsiones in pronunciando observent, *Heidec. ad l. 5. D. de prescript. verb. th. 7. in fin. & quod, fratrem etiam fratri hoc nomine auff hundert Gulden per Scabinatum Lipsiensem condemaatum fuisse, tradatur Consult. Saxon. d. l. Adde Schultz in synops. Inst. d. supr. l.* Ut igitur arbitrio spōndentium videatur relictum, quanta pecunia summā certare velint.

## XXVI.

Nihilominus tamen, causā postea in judicium deductā, si iudex consideratis personā facultatibus, ceterisq; circumstantiis, summam istam viderit esse immodicam, & talem, ut ejus amissio non levire familiarii jacturā victum adficere possit, partes illius fore arbitror, ut ejus rationem habeat, & propterea non protinus conventionem partium, sed potius æquitatem sequatur atq; observet, arg. *l. placuit, ubi Gothofr. in not. Cod. de judic.* Qua in re non possum mihi temperare, quin ex Wehner. observ. pract. in verb. wetten verba N. R. part. 2. tis 26. hic apponam, præsertim cum aliud quoq; quod ad hanc materiam spectat, illic contineatur. Ita autem ista habent: Statutum est, Wenn zween mif bedächtlichem Gemüht / in Ernst / vnd nicht scherhaft mit einander wetten / daß solche Wettung für kräfftig vnd bündig sol gehalten werden/etc. Es were denn die Sach/ darumb die Wettung geschicht / in sich selbst vnehrlich / schändlich vnd ärgerlich / oder die Summa der Wettung übermäßig/vnd dem verlustigten Theil zu erlegen hoch nachtheilig/welches zu Erfahrung Rechtens stehen soll / dann die Wettungen mehr vmb Kurzweil/ denn Gelts oder Guts willen / zu geschehen pflegen vnd sollen. Darumb auch solche Wettungssachen wenn sie ins Recht gelangen/nicht nach der schärfe der Rechten/ sondern der Billigkeit vnd Gelegenheit aller Umständen nach sollen entscheiden werden. Egregia sane constitutio, & circa hanc materiam notatu digna. *Ad de Schotan. in exam. jurid. sub tit. de aleator.*

B 2

XXVII. For.

XXVII.

Forma sponsionis essentialis seu interna est promissio, certaminis alicujus gratia ultro citroq; facta: quæ sponsonem à reliquis pactionibus, cuiuscunq; etiam ex generis sint, separat ac secernit. vid. altrg. s. præ ad tb. 2. r. in eventu vitoria

XXIX.

Forma sponsionis accidentalis seu externa est, quod sponsio contrahatur vel deposito simul pignore, & aut ab utrāq;, aut una saltem parte; vel sine depositione pignoris alicujus, & iterum aut per stipulationem, aut nudum tantum pactum. vid. Strac. d. tract. part. 2.

XXIX.

Deposito ab utraq; parte pignore sponsio fit, cum uterq; contrahentium tertio alicui, judicisponsionis constituto, rem aliquam tradit, ut futuro postea vitori ab eo restituatur. Cujus elegans nobis exemplum suppeditat Poeta in Bucol. Eclog. 3 vers. 28. seqq. vid. Goedd. de sequestrat. possess. c. I. n. 163. Atq; ejusmodi depositionem etiam sequestrationem, & judicem, apud quem facta est, sequestrem, veteribus sculnata dici, notat Cujac. in parat. ad tit. C. de prohib. sequestr.

XXX.

Deposito ab una saltem parte pignore sponsio fit, cum e. gr. alter ex contrahentibus alteri decem tradit, ut, si hic vicerit, ea retineat; si victus fuerit, & illa reddat, & aliquid aliud præterea solvat. vid. Strac. d. l. n. 4.

XXXI.

Sine depositione pignoris alicujus per stipulationem sponsio fit, cum, traditione rei à neutra parte interveniente, Lucius v. gr. certam pecuniæ summam à Sempronio stipulatur, si aliquid factum fuerit; & hic restipulatur ab illo, si istud factum non fuerit. Ad quem modum sponsonem inter C. Lutatium Cos. & Q. Valerium Prætorem, judice Atilio Calatino electo, initam fuisse, refert Valer. Max. lib. 2. cap. 8. §. post bas.

XXXII.

Sine depositione pignoris alicujus per nudum tantum pactū sponsio deniq; fit, cum, nullà neq; re traditâ, neq; stipulatione subditâ, solus ad est contrahentium in sponsonem consensus, isq; vel expressus, per verba, sive

sive ore prolatā, sive in scripturam redactā, expositus; vel tacitus, per signum aliquod, ut nūtum, junctionem manuum, aut aliud tale, declaratus.

### XXXIII.

Ceterūm quocunq; horum modorum sponsio contrahatur, firma est ac valida, quippe cum hodie (contrā quām sit jure nostro civili, l. 7 §. 4 seq. D. & l. 10. C. de paſt.) quodvis paſtum, LL ac bonis moribus non adversum, secundum communem Dd. opinionem obligationem pariat, atq; actionem producat, Wesenb. in parat. ad tit. D. de paſt. n. 9. vers. quanquam. Confer Rittersb. de differ. jur. civil. & canon. l. 3. c. 1. Treutl. 1. diſp. 6. th. 9. B. Anton. Thesaur. 2. quaſt forens. 19. in fin. idq; auctoritate juris canonici, ut quidem itidem Dd. communiter statuant per c. 1. & 3. extr. de paſt. Rittersb. d. 1. Gomez. 2. variar. resolut. 9 n. 2. in fin. Soarez. in thesaur. recept. sentent. lit. P. n. 1. Parlador. 2. rer. quotid. 3. n. 16. quod̄ jus moribus postea receptum ac comprobatum fuit. v. Bacbov. ad Treutler. d. 1. Rosb. de compar. jur. civ. & canon. tit. 9. n. 19.

### XXXIV.

Neq; interest, æquali sponsio ineatur conditione, an inæquali. Nam valet illa etiam ita contracta, ut unus altero majorem summam depo- nat, majusq; periculum sustineat, arg. l. 16. § 4 D. de minor. quod & ratio dubii atq; incerti evenitūs, sponsiones plerumq; comitantis, suadet, arg. l. 17. C. de usur. Perez. cit. supr. loc. & Dd. paſsim.

### XXXV.

Quæ tamen omnia tum demum obtinent, si (1) sponsio seriò & de- liberatò, non per ludum aut jocum fiat, arg. l. 3 in fin. D. de O. & A. vid. N. R. suprà ib. 26 alleg. Goed de contrab. ſtipul. cap. 3. conclus. 6. nec (2) error aliquis interveniat, effentiam sponsionis ingrediens, & dif- fersum in ipso negotio generans, l. 57. D. de O. & A. l. 55. D. eod. junct. l. 15. D. de jurisdic. l. 2. pr. D. de judic. qualis est error in cauſa sponsio- nis, veluti si duo super re aliqua, urbi Francofurto eventurā, sponsione contendant, & unus Francofurtum ad Moenum, alter illud, quod est ad Viadrum, intelligat, arg. dd. II. item errot in corpore rei promissæ, §. si de alia, Inst. de inutil. ſtipul. l. 83. §. 1. l. 137. §. 1. De V. O. &c. vid. Donell. 12. comm. 7. Goed. d. c. 3. conclus. 1. seqq. Borcholt ad tit. D. de V. O. cap. s. n. 71. seqq.

B3

XXXVI. Finis

XXXVI.

Finis sponzionis generalis, & omnibus sponzionem ineuntibus propositus, est, ut negotium de aliquo solvendo, i. e. dando, vel faciendo, vel praestando, sit contractum, arg. pr. Inst. de Obligat. jund. l. 3. D. de O. & A. specialis vero, & quibusdam saltem propositus, est varius, aliis lucri, aliis solatij, aliis delectationis, aliis aliis rei gratia sponzioce certantibus, v. Santer. cit. sapius loc. n. 23. R. N. d. l. & confer. th. 22.

XXXVII.

Et quidem si finem, quem intendunt, spondentes adsequi velint, oportet eos id agere, ut inter ipsos solutio activè & passivè procedat, sponzionem alias inutiliter contractuos, arg. l. u. D. de O. & A. §. si quū alium, & §. seq. Inst. de inutil. stipulat. l. 38. §. 17. D. de V. O. præterquam in casibus exceptis, de quibus Dd. & in primis Schneidry. ad dd. §§. Inst. de inutil. stipulat.

XXXVIII.

Effectus sponzionis, secundum præscriptum jam modum peractæ, & ad perfectionem suam perductæ, est, quod victori debeatur id, de quo in eventum seu casum victoriae ipsi præstanto conventum fuit.

XXXIX.

Pro victore autem habendus est, non solum qui re vera jam vicit, sed & is, per quem non stat, quō minus vincat, adversario id, de quo contentio fuit, facere recusante; veluti, si Lucius cum Titio sponzionem faciat, quod hic minus, quam ipse, curret aut saliet, & Titius planè currere aut salire deinde nolit. Certè hoc casu Titius æquè tenebitur, ac si currendo aut saliendo verè à Titio vinctus aut superatus fuisset, arg. l. 24. D. de condit. & demonstr. l. 161. D. de R. J. c. cum non stat, de R. J. in sexto. l. 9. §. 3. D. de dolo mal. l. 85. §. fin. D. de V. O. fac. l. 32. ubi Dd. D. de V. S. l. 7. §. 2. vers. minus, ubi Paul. D. de tribut. act. Gloss. Jaf. Salicet. ad l. 17. §. fin. D. de præscr. verb. Strace. d. tr. de sponzion. part 4. §. item quæro. Francisc. Pfeil. consil. 34. ubi n. 3. ita vulgo receptum testatur.

XL.

Sed si Caius cum Mævio sponzionem contrahat, quod hic aliquid non faciet, v. gr. quod Romam non proficietur: & Mævius postea, nullæ re aliâ, quam casu & vi majorè impeditus, istud non faciat, & Romanum

mam non proficiscatur; an Caius nihilominus victor, Mævius vero vi-  
ctus censendus erit? Evidem si quoquo modo, contrahentes factum  
simpliciter responesse, appareat, arbitror id adfirmandum: si minus, neu-  
trum victorem aut victum judicandum. vid. Besold. in thes. pract. in verb.  
Wetten. & confer l. 56. l. 192. D. de R. l. l. 39. D. de pact. l. 99. pr. Di-  
de V. O.

## XL I.

Porro si id, quod victori ita debetur, aut victor jam habeat, aut in  
eo solvendo nulla tergiversatio seu mora adhibeatur, res expedita est:  
En contra eveniat, utendum erit victori, si quid obtinere volet, actioni-  
bus, ad id, quod ex causa sponsionis debetur, consequendum competen-  
tibus: quales actiones sunt 1. actio praescriptis verbis, 2. Conditio certi,  
3. actio ex stipulatu, & 4. conditio ex canone.

## XL II.

Actio praescriptis verbis victori datur non solum adversus ipsum  
victum in casu *suprà tb. 30* relato, vid. Stracc. d. tr. de sponson. part. 2.  
n. 4. modò stipulatio animo novandi subdita non sit, arg. §. pen. Inst.  
quib. mod. toll. oblig. junct. l. 1. pr. D. de novat. verum etiam adversus ter-  
tium, qui pignus sponsionis causa sub pacto, ut futuro victori restituat,  
aceperit: quod pactum siquidem praesente victore factum sit, actio praescriptis  
verbis directa competit; si minus, utili locus erit, l. 17. § fin.  
D. de praescript. verb. junct. l. 13. pr. D. de pignor. act. l. 26. pr. D. deposit.  
Paul. de Castr. ad d. l. 17. § ult. & ex eo Stracc. d. tr. part. 4. § fin. n. 2.

## XL III.

Conditio certi & actio ex stipulatu locū habent, cum ad sponsonem  
stipulatio accessit, sive simul depositum sit pignus, sive non. Et illa qui-  
dem datur, si stipulatio certa sit, deductā in eam vel determinatā specie,  
vel aliā re, de qua constet, quæ, qualis, & quanta sit, pr. Inst. de V. O. junct.  
l. 6. D. de reb. cre. l. 74. D. de V. O. hæc vero competit, si stipulatio in-  
certa sit, d. pr. Inst. de V. O. confer l. 75. D. eod.

## XL IV.

Conditio deniq; ex canone, sive, si quis hoc malit, conditio ex  
moribus datur, cum nudo pacto sponsio facta est, arg. l. unic. D. de con-  
dit. ex leg. vid. Wesenb. cit. supr. tb. 33. loc. Anton. Gotbofr. disputat.  
feud. 13. tb. 1. D.

## XL V. Non-

## XLV.

Nonnunquam tamen istæ actiones, quas dixi, impediuntur, ut cum effe-  
ctu intentari seu exerceri nequeant, justâ aliquâ exceptione contra eas  
competente: quod sit (1) si quis ad sponsonem ineundam metu com-  
pulsus sit, §. I. Inst. de except. l. 5. C. de inutil. stipul. t. t. D. quod met.  
caus. & t. t. C. de bù quæ vi met. (2) Si victor aut dolo malo victimum ad  
sponsonem pertraxerit, arg. l. 36. D. de V. O. d. l. 5. C. de inutil. stipul.  
puta ignorantiam ejus rei, de qua agebatur, simulando, arg. l. 1. §. 2 D.  
de dol. mal. Perez. cit. supr. loc. Stracc. d. part. 4. §. item quero, vel capti-  
tiones verborum adhibendo, fac. §. sed quia, Inst. de fideicom. hered. l. 5.  
D. d. transact. l. pen. D. ad exhib. Stracc. d. part. 4. §. illud postremo, n.  
3. Besold. in thes. pract. d. l. aut sponsione quoq; jam contractâ fallaciis  
& dolosis machinationibus ad victoriæ obtinendam usus sit, l. 7. pr.  
& §. 3. ubi Dd. D. de dol. mal. veluti si ad cursum sponsonem à se provo-  
catum humi prostraverit. Quò pertinet illud Chrysippi apud Cicer lib.  
3. Offic. Qui stadium currit, eniti & contendere debet, quam ma-  
xime posse, ut vincat: supplancare eum, qui cum certet, aut ma-  
nu depellere nullo modo debet. (3) si minor 25. annis, curatorem non  
habens, sponsonem contraxerit, facilitate suâ & lubrico ætatis lapsus,  
t. t. D. de minor. l. 3 vers. si vero, & t. t. C. de in integr. restit. min.

## XLVI.

Disputationem hanc claudat quæstio illa ardua ac difficilis, & circa  
quam Dd. hinc inde variant: An scilicet sponsiones nimis inæquali con-  
ditione factæ rescindi possint? Quam quæstionem pulchre examinat  
Stracc. d. part. 4. §. quero igitur, & pro affirmativa tandem concludit;  
pro qua etiam mihi militare est propositum, sed sub istis conditionibus,  
quæ à Stracc. d. l. adductur, sed hic subjungi jam nequeunt. Videatur  
præterea Anton. Thesaur. 2. quæst. forens. 19. n. 4. seq.

*Tantum.*

SOLI DEO GLORIA.

•(o)•







ando quis obscuro loco natus, fraudulatione, nobili alicui familiae se inferebat titulo cognationis ab aliis, vel ejus familiae, nobilibus pecuniam, vel aliquid dicit, vel alio modo eosdem fallat. o 1615. vagabundus quidam homo couelem Phocam, Palatinum Constanti- cupans, & ex familia illustri Græcorum iactans, adjumento intercessionū, quas tē impetraverat, in plurimorum prin- s, & civitatibus ingentem pecuniā & emendicavit; cui postea, ob delicti pœnam dictaverunt Scabini Lipsien- no 1629. Mens. Martio fœminæ cui- , ex nobili familia se natam & bonis mutato nomine à Nobilibus pecuni- , pœnam temporalis relegationis in- runt. Carpzov. prax. criminal. part. 2. iam sequenti num. 41. adducit exem- pi assumpto nomine Advocati cuius- ejus publicè jactayerat, quem postea audia Senatus virgis coedi, & exilio trinvent & hoc exempla relata à Valer,

## XVI.

us est, quando quis, personā sua pla-  
nen suum mutat, & se pro alio suppo-  
ma apud Historicos aliasq; scripto-  
inter quæ notissimum est illud Plau-  
ptāforma Amphitheatronis, adversus  
nocte quadam, velut ē bello rever-  
nabuit. Plura vide apud Johannem

B 3

Cora-

C1 B1 A1 C2 B2 A2 B5 A5 20 18 17 16 11

Patch Reference Number on UTT Serial No. TE263

Image Engineering

the scale towards document

10 09 03 02 01 C7 B7 A7 C8 B8 A8 C9 B9